



სახელმწიფო შესყიდვების  
სააგენტოს თავმჯდომარის  
გ ა ნ კ ა რ გ უ ლ ე ბ ა



KA080133852304219

№ 364

22 / იანვარი / 2019 წ.

**ი.მ. ელვარდ არსენიძის შავ სიაში დარეგისტრირების შესახებ**

**შემსყიდველი ორგანიზაცია:** შპს „რეგიონალური ჯანდაცვის ცენტრი“;

**ტენდერის ნომერი:** NAT180016753;

**შესყიდვის ობიექტი:** 09100000 – სანვაკი;

**პრეტენდენტი:** ი.მ. ელვარდ არსენიძე (პირადი №41001017393);

**წერილობითი შეტყობინების საფუძველი:** ხელშეკრულების დადების უფლების მოპოვების მიზნით არაკეთილსინდისიერი ქმედების ჩადენა.

**აღწერილობითი ნაწილი**

**1. ადმინისტრაციული წარმოების დაწყება**

1.1. სახელმწიფო შესყიდვების სააგენტოში 2018 წლის 22 ნოემბერს წარმოდგენილ იქნა შპს „რეგიონული ჯანდაცვის ცენტრის“ 2018 წლის 21 ნოემბრის №13/771 წერილობითი შეტყობინება (რეგისტრაციის №9802), რომლითაც სააგენტოს ეცნობა NAT180016753 ელექტრონული ტენდერიდან პრეტენდენტის – ი.მ. ელვარდ არსენიძის (პირადი № 41001017393) დისკვალიფიკაციის შესახებ ხელშეკრულების დადების უფლების მოპოვების მიზნით არაკეთილსინდისიერი ქმედების ჩადენის გამო.

1.2. ი.მ. ელვარდ არსენიძეს სააგენტომ, სახელმწიფო შესყიდვების ერთიან ელექტრონულ სისტემაში მის პროფილში მითითებულ ელექტრონული ფოსტის მისამართზე elvard\_arsenidze1953@mail.ru, 2018 წლის 29 ნოემბრის №4047 წერილით აცნობა სააგენტოში შემსყიდველი ორგანიზაციის წერილობითი შეტყობინების წარმოდგენის თაობაზე და, სახელმწიფო შესყიდვების სააგენტოს თავმჯდომარის 2015 წლის 29 ოქტომბრის №19 ბრძანებით დამტკიცებული „შავი სიის წარმოების წესისა და პირობების“ მე-5 მუხლის მე-5 პუნქტის შესაბამისად, სთხოვა ხსენებულ საქმეზე განმარტების წარმოდგენა.

1.3. ი.მ. ელვარდ არსენიძემ 2018 წლის 10 დეკემბერს სააგენტოში წარმოადგინა 2018 წლის 7 დეკემბრის განმარტება (რეგისტრაციის № 10276) ხელშეკრულების დადების უფლების მოპოვების მიზნით არაკეთილსინდისიერი ქმედების ჩადენის გამო NAT180016753 ელექტრონული ტენდერიდან მისი დისკვალიფიკაციის თაობაზე.

**2. შემსყიდველი ორგანიზაციის პოზიცია**

2.1. შემსყიდველი ორგანიზაციის წერილობითი შეტყობინების თანახმად, NAT180016753 ელექტრონულ ტენდერში მონაწილეობა მიიღეს პრეტენდენტებმა – ი.მ. ელვარდ არსენიძემ (პირადი №41001017393) და შპს „ლუკა XXI საუკუნემ“ (ს/ნ: 419618195). ამასთან, პრეტენდენტებს სახელმწიფო შესყიდვების ერთიანი ელექტრონული სისტემის მეშვეობით წარმოდგენილი ჰქონდათ ერთი და იგივე ტექნიკური დოკუმენტაცია.

2.2. გემოხსენებული გარემოებების გათვალისწინებით, სატენდერო კომისიის 2018 წლის 13 ნოემბრის №5 სხდომის ოქმით, ი.მ. ელვარდ არსენიძეს (პირადი № 41001017393) მიეცა დისკვალიფიკაცია სახელმწიფო შესყიდვების სააგენტოს თავმჯდომარის 2017 წლის 14 ივნისის № 12 ბრძანებით დამტკიცებული „ელექტრონული ტენდერის ჩატარების წესის“ 32-ე მუხლის პირველი პუნქტის „ბ“ ქვეპუნქტის საფუძველზე.

### 3. პრეტენდენტის პოზიცია

პრეტენდენტის განმარტების თანახმად, დაშვებულ იქნა მექანიკური შეცდომა და სატენდერო წინადადება, ნაცვლად ი.მ. ელვარდ არსენიძის პროფილისა, სახელმწიფო შესყიდვების ერთიან ელექტრონულ სისტემაში აიტვირთა შპს „ლუკა XXI საუკუნის“ პროფილით. აღნიშნული შეცდომა გამოსწორებულ იქნა და იმავე ტენდერში შეცდომის აღმოჩენის შემდგომ სატენდერო წინადადება აიტვირთა ი.მ. ელვარდ არსენიძის პროფილის მეშვეობით.

### 4. სააგენტოს მიერ დადგენილი გარემოებები

4.1. 2018 წლის 22 ოქტომბერს შპს „რეგიონულმა ჯანდაცვის ცენტრმა“ გამოაცხადა NAT180016753 ელექტრონული ტენდერი ქვანახშირის (CPV09111100) შესყიდვის მიზნით.

4.2. NAT180016753 ელექტრონულ ტენდერში მონაწილეობა მიიღეს პრეტენდენტებმა – ი.მ. ელვარდ არსენიძემ (პირადი №41001017393) და შპს „ლუკა XXI საუკუნე“ (ს/ნ: 419618195). პრეტენდენტებმა 2018 წლის 30 ოქტომბერს სახელმწიფო შესყიდვების ერთიანი ელექტრონული სისტემის მეშვეობით წარმოადგინეს ერთი და იგივე ტექნიკური დოკუმენტაცია, დამონებული ი.მ. ელვარდ არსენიძის მიერ.

4.3. მენარმეთა და არასამენარმეო (არაკომერციული) იურიდიული პირების რეესტრიდან 2011 წლის 2 ივნისისა და 2013 წლის 22 ივლისის №B11079838 და №B13072784 ამონაწერებით დგინდება, რომ ი.მ. ელვარდ არსენიძე იმავდროულად წარმოადგენს შპს „ლუკა XXI საუკუნის“ დირექტორს.

4.4. ზემოაღნიშნული გარემოებების გათვალისწინებით, 2018 წლის 13 ნოემბრის №5 სხდომის ოქმით, ი.მ. ელვარდ არსენიძეს (პირადი №41001017393) მიეცა დისკვალიფიკაცია სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული „ელექტრონული ტენდერის ჩატარების წესის“ 32-ე მუხლის პირველი პუნქტის „ბ“ ქვეპუნქტის საფუძველზე.

### სამოტივაციო ნაწილი

### 5. შემაჯამებელი დასკვნა

საქმეში არსებული მტკიცებულებებისა და გარემოებების შეფასებისა და ურთიერთშეჯერების საფუძველზე, სააგენტო მიიჩნევს, რომ ი.მ. ელვარდ არსენიძე უნდა დარეგისტრირდეს შავ სიაში.

### 6. გამოყენებული სამართლებრივი აქტები

„სახელმწიფო შესყიდვების შესახებ“ საქართველოს კანონი, „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანება, სახელმწიფო შესყიდვების სააგენტოს თავმჯდომარის 2015 წლის 29 ოქტომბრის №19 ბრძანებით დამტკიცებული „შავი სიის წარმოების წესი და პირობები“.

### 7. სამართლებრივი შეფასება

7.1. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის №19 ბრძანებით დამტკიცებული „შავი სიის წარმოების წესისა და პირობების“ მე-3 მუხლის პირველი პუნქტის თანახმად, ელექტრონული ტენდერის შემთხვევაში, პრეტენდენტის შავ სიაში დარეგისტრირების საფუძველია, თუ იგი დისკვალიფიცირებულია ტენდერიდან ხელშეკრულების დადების უფლების მოპოვების მიზნით არაკეთილსინდისიერი ქმედების ჩადენის გამო.

7.2. იმავე წესის მე-7 მუხლის მე-2 პუნქტის შესაბამისად, საქმეში არსებული გარემოების გამოკვლევის, შეფასებისა და ურთიერთშეჯერების შედეგად, სააგენტო ადგენს, არსებობს თუ არა პრეტენდენტის/ მიმწოდებლის შავ სიაში დარეგისტრირების საფუძველი. იმ შემთხვევაში, თუ არსებობს ამ მუხლის მე-4 პუნქტით გათვალისწინებული გარემოებები, სააგენტო იღებს გადაწყვეტილებას პრეტენდენტის/ მიმწოდებლის შავ სიაში დარეგისტრირებაზე უარის თქმის შესახებ, ხოლო იმ შემთხვევაში, თუ არსებობს პრეტენდენტის/ მიმწოდებლის შავ სიაში დარეგისტრირების საფუძველი, სააგენტო, ამ მუხლის შესაბამისად, იღებს გადაწყვეტილებას პრეტენდენტის/ მიმწოდებლის გაფრთხილების ან შავ სიაში დარეგისტრირების შესახებ.

7.3. სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული „ელექტრონული ტენდერის ჩატარების წესის“ 32-ე მუხლის პირველი პუნქტის „ბ“ ქვეპუნქტის თანახმად, პრეტენდენტი ექვემდებარება დისკვალიფიკაციას, თუ იგი ხელშეკრულების დადების უფლების მოპოვების მიზნით ჩაიდენს არაკეთილსინდისიერ ქმედებას.

7.4. „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „შ“ ქვეპუნქტის თანახმად, აფიდავიტი წარმოადგენს წერილობით დოკუმენტს, რომლის ხელმოწერილი ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობისთვის. ამასთან, „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანების დანართის №1-

ით დამტკიცებული აფიდავიტის ფორმისა და პირობების მიხედვით, გამოცხადებულ ტენდერში მონაწილეობის მიღების მიზნით პრეტენდენტი ადასტურებს, რომ მის მიერ წარდგენილი სატენდერო წინადადება შემუშავებულია კონკურენტისგან დამოუკიდებლად. ამასთან, ამავე პირობების მიხედვით, „კონკურენტი“ არის ნებისმიერი პირი, რომელიც არის ან შესაძლებელია იყოს პრეტენდენტი ამ ტენდერში/კონკურსში.

7.5. მოცემულ შემთხვევაში, დგინდება, რომ NAT180016753 ელექტრონულ ტენდერში მონაწილე პრეტენდენტი – ი.მ. ელვარდ არსენიძე (პირადი № 41001017393) იმავდროულად არის ამავე ტენდერში მონაწილე პრეტენდენტის – შპს „ლუკა XXI საუკუნის“ (ს/ნ: 419618195) დირექტორი. ამასთან, პრეტენდენტებს სახელმწიფო შესყიდვების ერთიანი ელექტრონული სისტემის მეშვეობით წარდგენილი ჰქონდათ ერთი და იგივე სატენდერო დოკუმენტაცია, დამონმებული ი.მ. ელვარდ არსენიძის მიერ. ამდენად, მოცემული ფაქტობრივი გარემოებებით დასტურდება, რომ პრეტენდენტმა ჩაიდინა არაკეთილსინდისიერი ქმედება, კერძოდ, დაარღვია აფიდავიტის პირობები. გარდა ამისა, სააგენტო მიუთითებს, რომ პრეტენდენტის მიერ განმარტებაში მითითებული პოზიცია ვერ ჩაითვლება მისი პასუხისმგებლობის გამომრიცხავ გარემოებად. ამდენად, სააგენტო მიიჩნევს, რომ არსებობს მისი შავ სიაში დარეგისტრირების წინაპირობა.

7.6. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-6 პუნქტის თანახმად, შავ სიაში დარეგისტრირების შესახებ გადაწყვეტილება მიიღება იმ შემთხვევაში, თუ შემსყიდველი ორგანიზაციის მიერ წარდგენილი ინფორმაცია სრულად აკმაყოფილებს ამ წესის მე-3 და მე-4 მუხლებით განსაზღვრულ მოთხოვნებს და არ არის სახეზე შავ სიაში დარეგისტრირებაზე უარის თქმის ან გაფრთხილების საფუძველი. ამავე მუხლის მე-7 პუნქტის თანახმად, თუ დადგინდა, რომ პრეტენდენტმა/მიმწოდებელმა ხელშეკრულების დადების უფლების მოპოვების მიზნით ჩაიდინა არაკეთილსინდისიერი ქმედება, იგი ექვემდებარება შავ სიაში რეგისტრაციას და მის მიმართ გაფრთხილება არ გამოიყენება.


7.7. სააგენტო მიიჩნევს, რომ შემსყიდველი ორგანიზაციის წერილობითი შეტყობინება აკმაყოფილებს ზემოხსენებული წესის მე-3 და მე-4 მუხლებით განსაზღვრულ მოთხოვნებს. ამასთან, სახეზეა პრეტენდენტის შავ სიაში დარეგისტრირების წინაპირობა და არ არსებობს მისი შავ სიაში დარეგისტრირებაზე უარის თქმის ან გაფრთხილების საფუძველები, რადგან დგინდება, რომ ი.მ. ელვარდ არსენიძემ NAT180016753 ელექტრონულ ტენდერში ხელშეკრულების დადების უფლების მოპოვების მიზნით ჩაიდინა არაკეთილსინდისიერი ქმედება. შესაბამისად, მოცემული დარღვევის გათვალისწინებით, ი.მ. ელვარდ არსენიძე უნდა დარეგისტრირდეს შავ სიაში.

**სარეზოლუციო ნაწილი**

სააგენტომ იხელმძღვანელა სახელმწიფო შესყიდვების სააგენტოს თავმჯდომარის 2015 წლის 29 ოქტომბრის №19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-6 და მე-7 პუნქტებით და დაადგინა:

1. ი.მ. ელვარდ არსენიძე (პირადი №41001017393) 2019 წლის 23 იანვარს დარეგისტრირდეს შავ სიაში.
2. ამ განკარგულების აღსრულება დაევალოს სახელმწიფო შესყიდვების სააგენტოს ინფორმაციული ტექნოლოგიების დეპარტამენტს.
3. ეს განკარგულება შეიძლება გასაჩივრდეს მისი ოფიციალური გაცნობის დღიდან ერთი თვის ვადაში, თბილისის საქალაქო სასამართლოს ადმინისტრაციულ საქმეთა კოლეგიაში (ქ. თბილისი, დავით აღმაშენებლის ხეივანი, მე-12 კმ, №6), კანონმდებლობით დადგენილი წესით.

თავმჯდომარე



ლევან რაზმაძე